



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando per plateas incedimus. Exercit. 5

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

MANVALE.

Oblatio.

Offeremus Domino singulos passus quos facturi sumus dirigendo eos ad solam illius gloriam & speciatim offeremus ei negotium illud ad quod conficiendum pergimus, ut ipse illud ad supremam suam gloriam referat.

Quando per plateas incedimus.

Exercitium 5.

Cant. 3. Per vicos & plateas quæram quem diligit anima mea.

Gen. 17. Ambula coram me, & esto perfectus.

Psal. 118. Beati immaculati in via qui ambulant in lege Domini.

Prou. 3. Via eius via pulchra, & omnes semite eius pacificæ.

Consideratio.

Considerabimus. Quomodo Christus nostre salutis assertor, per plateas ciuitatis Hierosolymitanæ ambulauerit: quando Iudei eum catenis vinctum de iudice ad iudicem ducebant, Quomodo etiam postea inde egressus fuerit ponderosam crucis trabem humeris

EXERCITIO. SPIRIT.

meris baiulans, atque ad montem Caluarie gradiens, vt ibi cruci affigere-
tur.

Gratiarum actio.

GRatias agemus Domino, quod dig-
natus fuerit de cœlis in terram de-
scēdere, vt nos viam ad illas beatorum
mansiones pertingēdi doceret, quod-
que auxilio & ope sua nos roboret vt
minori negotio cœlestia regna scan-
dere, possimus.

Confusio.

PVdore suffundemur nostram intu-
entes alacritatem, cum qua viam
perambulauimus perditionis, cuius
nouissima, ad inferos tendunt; à cuius
ore iam iuste absorpti essemus, nisi De-
us cuius bonitas est immensa, per mise-
ricordiam suam nos è faucibus eius e-
ruisset.

Petitio.

DE P R E C A B I M V R Domi-
num, vt nos ciues efficiat cœlestis
illius

MANVALE.

illius Hierusalem, ciuitatis pacificæ, & nobilissimæ, cuius incolæ omnes sunt filij Dei, in cuius vicis & plateis, iugiter resonant voces vnanimi consensu laudantium & concinentium *Alleluia, Alleluia.*

Oblatio.

Offeremus nos ad omnem contēptum, quem nobis irrogauerint homines æquanimiter sustinēdū ac tolerādum, pro amore Domini & Redēptoris nostri Iesu Christi, qui pro nobis factus est, opprobrium hominum, & abiectio plebis.

*Quando pulchrum aliquid in-
tuemur.*

Exercitium VI.

Cant. 5. Ecce tu pulcher es dilecte mi.

Psal. 49. Pulchritudo agri mecum est.

Prou. 25. Fallax gratia, & vana est pulchritudo, timens dominum ipse laudabitur.

Psalm. 25. Domine dilexi decorem domus tue.

Consideratio.

Considerabimus Deum esse fontem totius pulchritudinis, è quo scatu-